

وبقى حلم...!!

شئ جوايا ناقصنى  
فى حياتى شئ مهم  
يكمل سعادتى ويبوسنى  
يحرك فى العروق الدم  
شئ فى دنيتى يكملنى  
غيابه عنى بيألمنى  
بس تايهه ملامحه منى  
وتايه فى أحلام التمنى  
نفسى يوم الآقيه  
جايز يكون حرف فى كلمه  
أو ضمة الآهل واللمه  
شعاع نور يمحق الظلمه

أو يمكن حب مستتبه  
جائز قلب بالحنان مليون  
يصحى الحنان اللى جوايا نعسان  
او المعنى انى انا انسان  
سره فى الحياه يحييه  
شئ مخلي عقلى شارد  
فى الآمانى شراعه فارد  
آحتمال قربيه وارد  
يسمع الروح اللى بتناديه  
كل واحد مننا  
يبحث تمللى عن الآنا  
والانا لجل الهنا  
كلنا نسعى اليه  
ولما نحصد كل آماننا

وتتحقق كل آلامنا  
ويتم زماني الكرم  
حتى لو عمرى أبتسم  
الآقى لسه ناقصنى حلم...!!

